

苦飢寒之人男女無室家者助其嫁娶貧
老而死者助衣棺之類遠途之食者周其
稟費如力乏不及者常存此念也如是則
地官書名即得真君之位

法官受命北帝掌行重任度師交將謝恩之

日立旗懸令封印於壇隨意立二字壇治

北帝集治天將駐劄壇院稱治

法官受北帝重任不可過施作用驚動

天府殺傷鬼神過犯重者罰三功奏九德

法官如能濟陰拔陽施功布德恩及千人福

昌後裔

道法會元卷之二百六十五

道法會元卷之二百六十六

北陰鄴都太玄制魔黑律靈書

召將變神訣法 左手掐卯文右手
掐子文大聲念呪

北帝黑書大變神呪

吾非凡身北帝之真頭如黑雲髮如亂星上

至陽境下過幽冥十方世界熱熱沈沈眉如

蜈蚣毒蒸濛濛鼻如鐵鐘雷震長空耳如火

鈴口如天門左眼太陽射天關右目太陰轉

地軸上唇風伯披山林下唇兩師行霧電牙

如剏柱霜雪寒十指如鈎光太極左脇五方

魔首右脇五嶽威神前足五雷行陣後足五

雷監兵吾為天蓬元帥統部五帝魔兵敢有

于吾號令即便倒縛橫吞急急如

祖師北極紫微大帝律令攝

北帝黑書召功曹呪

紫微靈篆御史傳宣六宮魔領拱聽靈篇誓

同山海神鬼遵行敢逆典律押送北陰騰空

駕景疾降壇庭盧見王安火速來臨受吾詞

旨奏速帝宸功成德備保奏太清急急如

北陰玄天鬱絕大帝律令攝

盤五

取北炁吹向壇前左手掐子文右劍訣存
二功曹相皂衣至前

北帝黑書勾兵大召呪

北帝靈書天蓬令行上運台斗下轉風輪黑

幢皇轟戈戟如雲六官吐霧黑炁紛紛天兵

速至鬼吏交橫魔王按劍五嶽袂迎驚天動

地拔倒山林河泉海石沈黑無明有犯黑律

押送北陰速至速至聽吾令行謹召其將火

速來臨敢逆黑律如逆太清急急如

北陰玄天鬱絕大帝律令速至

北帝黑書召將追攝呪

吾自鄴都山下來朱砂頭髮拂天開北帝勅

收無道鬼指揮兵將運風雷雄威猛將奔雲

去犯律邪魔急捉來五帝大魔兵九億呼風

嘯兩起陰雷天地人前皆黑暗天羅地網布

周迴我有紫微玄籍在書功錄過滅兇災急

急如

北陰玄天鄴都大帝律令

叩令召功曹呪

太玄黑書玄都正令糾察鬼神紫微寶印印

令同聲功曹至靖一叩不來罪當滅影急急
如北陰玄天鄴都鬱絕大帝律令

左手掐子文右手劍訣呪盡發訣後持印
扣令面

召鄴都猛將呪

黑帝靈書天蓬寶符令行風火山傾木枯水
竭火滅天地黑虛陰沈九地諸將馳驅吾持
正令魔鬼之師頭轉北斗足躡江湖聞吾叩
令鬼滅神誅天將立至為我驅除急急如

北陰玄天鄴都大帝律令

左手印右手劍訣指頭扣令面三下

召九獄主者呪

天蓬天蓬萬神之宗天地日月水火雷風五
方五帝三界魔咒天人地水宿曜星宮天蓬
為主一悉涵洪鄴都主帥然燕英雄號令一

出執敢不從謹召九獄主者六洞魔王寶眷
都獄考勳官將吏兵吾令叩令急至壇場急
急如北陰玄天鄴都鬱絕大帝律令

以印叩令三下右劍訣叩令獄

召力士使者呪

北帝之宮主帥天蓬力士使者速至壇中令
叩急速走電奔風天陰地黑日月昏濛萬魔
拱手符到即從神兵隊隊變化英雄吞魔食
鬼剪惡除完敢違黑律押至桑銅收送黑獄
永劫無窮沈沈長夜劔刃刀鋒急急如

北陰玄天鄴都鬱絕大帝律令

以印叩令頭右手劍訣閉目存主帥領其
神即至

召飛天八將呪

錫鋤鏹鏹鏹鏹鏹鏹鏹鏹鏹鏹鏹鏹鏹鏹
佩黑律職掌玄文提領兵卒剪滅妖氛上奉
帝命下攝羅鄴升天入地飛行太空縛捉鬼
眾收禁邪魂隨呼立至有令即從聞吾正令
速降壇中急急如

北陰玄天鄴都大帝律令

左手子文右手劍訣捧令叩之三下

召鄴都諸符使呪

天蓬勅命御史叮嚀太玄黑憲收治鬼神飛
符信速走印奔雲黑天黑地黑海黑林黑山
黑水黑風黑雲昏沈九地日月無明黑符大

使黑甲將軍聞吾正令立降真身從吾所使
急捉和精急急如

北陰玄天鄴都鬱絕大帝律令

左手劍訣右手執筆三叩令符使即至

召景陽宮四神呪

苟畢田孫至聖至靈大威大猛無影無形隨
風而至聚燕為真遵行黑律救濟群生佐衛
御史統領魔鬼黑旗黑節列陣前奔群魔稽
首飲氣吞聲隨吾正令一叩即臨我佩黑律
總治鬼神何邪不伏犯者滅形急急如

北陰玄天鄴都鬱絕大帝律令

左手持令右手劍訣怒目大喝噴水四方

叩令三下四符立至壇前

召馬宋二靈官呪

正令急召大神來臨收攝隨通倒食橫香帶
音一吼震動乾坤不動尊神變化分身二神
變現無極無窮滿天滿地奔火行雲穿山入
谷破竹搜林聞吾正令急捉邪精速至速至
聽吾令行急急如

北陰玄天鄴都鬱絕大帝律令

左手執令右手持劍怒目大喝一聲疾以令面三叩之二將立現壇前

北帝金書黑策召焦曾二真君呪

北方黑帝鄴都之尊統領鄴都上掌天星賜吾黑律掌管魔群左右司禁殺伐二神降魔

伏怪滅禍收神手提山嶽敲碎魔精金睛鐵面黑髮玄身玄裳黑服黑甲將軍吸雲大朗

朗吐氣黑沈沈魔兵皆伏匿鬼魅敢逃形穿山入火通天地入水隨風攝鬼魂叩令一聲

如霹靂二神聞召急來臨有一不從吾命者如逆玄都黑帝文急急如

北陰玄天鄴都鬱絕大帝律令

左手持令叩三聲右手劍訣叩齒二十五通吹悉四次怒目大喝疾速至

北帝金文火篆黑冊召御史呪

北帝御史鄴都大雄玄冥主帥大魔之尊顏如藍靛統領威權奉命主令剪滅妖兇五靈真老賜我真文持九泉之號令帶玄元之真文劍橫斗口目視乾坤江神鼓浪海神翻風天昏萬里地黑千重主兵元帥九蟒相從隨

神同降助我神功黑令聲轟霹靂威衝部領衆神上震天門速離鬱絕降我壇中急急如北陰玄天鄴都鬱絕大帝律令

左手持令右手劍訣怒目大喝疾仍倒念天蓬呪召之

黑律禁書召金臺將兵呪一名神令祀誓

吾乃天帝之使奉命紫微號令九泉法遵黑律周遊三界討伐魔精當召四直壇關集

三官所管九府四司巨天力士執罰神兵司命司錄司功司殺百二十曹七十二考勘官

君將吏三界五帝大魔太玄肅然吏兵速離地府急出冥冷各掌本職盡出九陰令行風火速至壇庭急急如

北陰玄天鄴都鬱絕大帝律令
左手持令右手劍訣面北怒目喝疾至

金文火篆召六宮魔王戰鬼章

天蓬天蓬萬神之宗領持帝典急召六宮六洞魔王速出幽門兵負十萬變化神通升天入地速至壇中閻闔一道黑氣橫空天星扇落江水不通山嶽平如砥天柱地維并四極

高黑蒸騰日月晦一切生人上太清魔自滅鬼自亡妖自滅崇自傷風揚火捲起鎮湯急急如北陰玄天鄴都鬱絕大帝律令

存天蓬部領鬼兵魔卒至前雙手持令怒目大叩六聲畢用九泉號令符及所行文

字宣白焚化

神令大誓呪

吾奉紫微專命職掌鄴都上至九天天下至九泉中遍九州應諸天地神祇妖星逆象飛走魔靈魘通鬼魅一切妖氛不問祀典不理情

輕但干正令御史行刑命兵速出八極追尋應諸山川林洞之中泉源岩穴之內應是會

來為害生民者盡行攝捉如是山川壇廟古怪神明古佛金仙古墓骨崇古山石魅古木

魘遁敢有隱藏者御史提兵親行戮滅攝急急如北陰玄天鄴都鬱絕大帝律令

黑律禁書祭令秘呪

千變萬化一炁而分一變為三三炁而成三化為五五炁靈君北方大將黑煞威神天蓬元帥下領九陰九陰之主遵令而行六洞魔

首同入天宮天宮之內幽獄重重刀山劍柱
槍刃如鋒橫交豎起寒黑昏濛濛化天獄收
禁妖兇急急如

北陰玄天都鬱絕大帝律令

呪畢雙手子文存見北方昏黑晦暝之炁

入令穴中有聲如推萬里之城叩齒五通

舉令入袋念後呪

集神歸宮呪

魔首元帥魏伯賢聽吾號令火急行分身降
炁入吾令統領兵負億萬千鬼吏參隨無兆
數呼風嘯雨入吾壇守隨神令勿遠去聽吾
令行聽吾言吾奉五靈玄老勅北陰都大
帝令火急奉行

呪畢想北方有聲如萬魚擲水之聲昏濛
幽冷魔首元帥統領衆神入袋令亦入袋

縛袋時存見鐵網鐵羅鐵罩鐵城其令印
即鬱都山也雙手單訣念後呪

黑律禁書黑風大罩呪

四天閉塞八面黑風上徹天河黑澤下至九
壘重陰黑風霹靂黑霧奔騰黑羅黑網黑索

黑輪黑雷黑電黑風黑雲吾行黑罩罩定冤
魂邪愁崇慘鬼哭神吟謹請

天蓬主將統兵大元帥玄武壬癸黑煞將軍

黑天大神黑霧大神七級使者鐵冠使者北

帝吏兵黑戈黑甲黑馬黑兵黑雲蔽日黑霧

昏騰黑炁昏凝跨黑龍騎黑虎魔黑旗擊黑

鼓鳴黑鑼揚黑土運形變化大逞威靈無論

高下還甚家親金仙古佛滅跡除形為禍祀

典寸斬身形掀磚揭瓦飛石揚塵山推水竭

火滅地平悉皆攝捉無致逃形冥冥人道黑

黑鬼門大化昌盛仙道隆興魔王滅影鬼道

除蹤視之不見聽之不聞千里昏暗萬里陰

沈天黑地黑黃河黑大地山河皆墨黑廣布

普天大黑罩與吾罩下鬼神魂急急提兵周

八極生擒活捉赴壇庭急急如

北陰玄天都鬱絕大帝律令

念畢將令同糾察印懸於旗上

持令格

每日早晨對令焚香啓奏

紫微大帝天蓬都元帥及主法高真都

大帝都全臺神將畢吸北方黑炁吹布
罩令即念北帝主帥呪五遍六洞呪五遍
制魔呪五遍布炁於令上不得開令禮拜
而退

○連天鐵障符法

六陰洞微仙卿盧註

切聞戰邪治瘟全在斷後神功妙用無出斯

文諸行法之士未得妙處終不能絕妖邪之

路坐廣參玄微蒙中妙真人曰斷後之法無

如北陰都連天鐵障之妙上古聖人所受

黑律必全是文於其中自後執法朱真君知

其妙用而秘之竝勤苦參學以全其文後學

之士宜精寶焉凡下連天鐵障符有數等有

用桃木書之釘子釘於其所或以黑紙書之

或取屋上仰瓦書之或以磚書之藏於土中

或以鐵板書之投於水中隨事用之凡書符

先念六洞呪六遍呪磚又念五遍呪墨念北

斗靈靈呪七遍呪筆不可常書符式仍須精

心書篆望北而書取正北炁吹入用糾察鬼

神印印之却用油蠟蠟之即誦倒天蓬呪遣

(040) a 0207

發以連天鐵障呪下之閉目嚙水步連天鐵障用雙手發斗七座蓋之

連天鐵障符

九天遊奕大將軍統領
遊奕神兵上張天羅



老君變化天 仰天大將軍天罡助威

蓬斬鬼無生 靈變化千萬狀斬鬼滅

邪 四蹴五橫龍不前行 覆天大

精 禹步治道安无斬精 將軍太

乙助威靈化形十 四蹴五橫六甲六

萬犬摧破鬼魔營 丁太乙助我五福

十 天黑地黑山黑水黑風黑火黑

神 雲黑霧黑天然地煞年煞月煞

日煞時煞大煞小煞八煞八煞十六

將軍黑煞大神黑戈大神立現威靈

開天門閉地戶留人門塞鬼路

穿鬼心破鬼肚橫金梁豎玉柱

勝光小吉傳送從魁河魁登明神后大吉

功曹太衝左手輪十二宮自子至亥指煞

文十二 乾坎艮震巽離坤兌八方大

轉塗之 黑摧魔剪崇大神各各入吾

符 天罡大聖鐵戟金槍下鎮此

地永斷不祥 招辰文直下

魁魁魁魁魁 貪巨祿文廉 子午

魁魁魁魁魁 武破 子午 子寅

子惠子真子憐子戊子庚 天界黑地

七元流彩鬼道沈沈攝 界黑水界


黑墨漆黑鬼道絕

人道通魔道塞



右符依法書畢再念逆順天蓬呪塗之加

連天鐵障罡式




右連天鐵障罡二十五步並須閉息作怒

丁字舉步雙手自子順輪至亥復自亥逆

輪至子指中指中文五指盡藏緊攥兩拳

召將下符

破穢符 凡事先須 依式解穢



念淨天地呪三遍却用黃紙書天中大神

符於燈上當空吹去大聲喝云

護召北陰酆都破穢大將軍周贊罡速降壇

場持此符命為吾先淨兇穢驅逐遠方黑律

有制速現神光急急如

北陰玄天酆都鬱絕大帝律令

化符却存變自身為伏魔使默呪曰

北帝欽輪速變吾形陽生陰順化作仙真急

急如

北陰玄天酆都鬱絕大帝律令

左手斗印右手劍訣劈開頂門存自身為枯木兩手發午訣想自己身中火發燒枯木成灰燼向北吸玄天炁一口吹身化為北帝伏魔使服玄色法服頭頂天師冠足躡朱履

變神呪

北帝真光都憲章威神變化物物隆昌頭戴華蓋足躡魁罡六甲歸左六丁右防青龍五帝左列白虎監兵右傍朱雀靈光在前玄武執明後箱九泉大醜魔王周維執秉憲章有政當吾典制押逸威劍神王急急如北陰玄天都鬱絕大帝律令

變神訖次行淨布罡炁入水中望東方嚀水一口祝云

一嚀東方木摧折謹請北陰景陽宮大黑天神苟元帥部領精兵駐劄東界

次向南方嚀水一口祝云

二嚀南方火精滅謹請北陰景陽宮黑霧大神畢元帥部領精兵駐劄南界

次望西方嚀水一口祝云

三嚀西方金刃裂謹請北陰景陽宮七級田使者部領精兵駐劄西界

次望北方嚀水一口祝云

四嚀北方水枯竭謹請北陰景陽宮鐵冠孫使者部領精兵駐劄北方

壇上嚀水一口再向壇下嚀水一口祝云

五嚀六嘆中央土崩裂謹請北陰景陽宮左禁神叱司殺君駐劄上方右禁神叱司伐君駐劄下方

次持劍水遶壇行淨呪曰

九陰神水嚀布五方掃除厭穢清淨壇場六神把禁守衛關防如有干犯法界押赴威劍神王急急如

北陰玄天都鬱絕大帝律令

次念淨天地呪周行法界嚀水又呪曰


四目老翁天元神天罡八煞掃妖氛吾目一視山嶽傾香水一嚀遍乾坤百邪束首群妖絕衆穢蕩淨山海清太上巨天天律至魔神失所歸無門急急如

天蓬都元帥律令勅

存壇場內外悉化光明再念呪曰

壇禁肅清天將來臨飛斗一擲冥禁通行急急如北陰玄天都鬱絕大帝律令勅

次步北斗罡向北方亥位翻身剔起天星打去想地獄門開



呪曰

北帝七星九元將軍下破壽都九壘之宮

星一擲幽將速臨急急如

北陰玄天都鬱絕大帝律令勅

呪畢次叩印三下祝曰

一卓天清二卓地寧三卓三界萬神齊臨

存天地肅清萬神拱聽次叩齒三通祝曰

香騰黑雲雲布九天五方昏晦天將臨軒以

今焚香闢召直日受事此間土地直壇王安

慮見聞今召請速降壇前疾

存至次念召土地呪

此間土地為神最靈升天直地出幽入冥聞

1 (940) A B 2/10

吾呼召速降壇庭急急如

北陰玄天鄴都大帝律令勅

存至次念召功曹呪抽子

七政八極統領四直天地日月水火交集吾

召功曹速臨壇側急急如

北陰玄天鄴都大帝律令勅

存至再念召二直壇呪抽子

北陰幽鄴冥冷之宮直壇二將速降壇中適

伸焚香關召

北陰鄴都府左右直壇二功曹直符土地等

神既已到壇即仰齋此真香徑詣

天蓬都元帥元應太皇府請召四目老翁天

元神君聞令勅召速降壇庭疾

召四目老翁呪卯文

天蓬天蓬萬神之宗有大威神四目老翁目

視四部一一皆通巡遊世界東縛邪宗有一

不順押送北鄴忽來倏去隨召奔風速降速

降大顯真功急急如

天蓬玉真壽元真君蒼天上帝律令

凡發紫微天蓬奏狀則用四目老翁齋捧

如發鄴都北帝則用九醜大聖赤髮魔王

韓儀齋捧如獄府申狀乃屬人間則用溫

帥必要隨事發遣可也

召九醜魔王呪子文

九醜大聖赤髮魔王群魔畏伏妖怪潛藏六

通具足剪滅完殃隨吾呪召立降壇場急準

北陰玄天鄴都大帝律令勅

如發東嶽文字亦如前法只召章岳姚孟

四太保領兵把守四方存嘉應侯在上康

王在下温公捧奏只召温都巡至壇受事

亦可

祝將發遣呪

吾奉北帝專令職掌鄴都制轄魔靈掌判神

鬼令下急如星火馳速來臨法布疾若風雷

奔騰攝捉聽吾呼召遵我指陳入地升天登

山赴水隨吾口勅速去速來當司今發紫急

奏狀無方函有勞神力捧傳徑詣

紫微北闕及元應太皇府投進當願速登雲

路謹防妖穢之侵所歷剛風宜顯神通之力

幸毋遲滯立俟感通若有魔鬼所干攝送北

鄴考治一如告命火急奉行酒果香茶普伸

奉獻

上香獻茶酒後祝曰

遣使之禮已具敷陳受命威神切須攝領奔

雲駕霧直上玄都追雷逐風徑朝幽闕關文

使引謹用宣行表白宣關引畢法師祝遣云

向來關引已具宣行神聽無私諒回昭鑒仰

依關示速舉雲程天律嚴明立垂昭報疾

法官把劍捧水直至爐前再布斗一座如

前法直至其所翻身發天罡星剔開地獄

想二將奔入却念呪曰

吾奉紫微誥命北帝符章受職玄都掌權北

府行糾察鬼神之事專殺伐魔醜之司今勅

某將捧此奏文速詣某處投進敢有干符裁

奏者依吾呪勅寸斬身形急急如

鄴都大帝律令

次念化財呪天蓬呪回步入斗口中立定

卓劍噴水一口存雷電轟發官將符使乘

雲而去再炷香謝師而退

道法會元卷之二百六十六